



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Lvitprandi Ticinensis Diaconi Opvscvlvm, De Vitis  
Romanorvm Pontificvm**

**Liutprandus <Cremonensis>**

**Mogvntiae, 1602**

XXV. S. Sixtvs. II.

**urn:nbn:de:hbz:466:1-11115**



2. q. 7. c. gra-  
rendum.  
2. q. 3. c. accu-  
satorum.

funt, nisi se prius probauerint innocentes. Dixit etiam, nusquam legi facultatem disponendi de Ecclesiasticis rebus attributam esse laicis etiam religiosis. Præcepit etiam de personis accusatorum, vt earum fides, vita & conuersatio primò diligenter inquiratur, & postea ea, quæ obiciuntur fideliter pertractentur, quia nihil prius fieri debet, quam prædictorum fides, vita & conuersatio diligenter discutiatur, ne alicuius inuidia, aut inimicitis, aut intentione mala quisquam vexetur.

XXV.

S. SIXTVS. II.

SIXTVS, natione Græcus, ex philosopho, sedit annum vnū, menses 10. dies 23. Fuit autem Valeriani & Decii tempore. et fuit tunc maxima persecutio. Eodem tempore hic comprehensus est à Valeriano, & ductus, vt dæmonibus sacrificaret. Qui, quia præcepta eius contempsit, capite truncatus est, & cum eo sex diaconi sub die 8. Idus Augusti. Tertia autem die post eius passionem passus est & beatissimus Laurentius eius archidiaconus 4. Idus Augusti. Hic ordinauit Episcopos 2. presbyteros 4. diaconos 7.

<sup>a</sup> epist. 1.

2. q. 6. c. omnes

3. q. 6. c. accusatus.

<sup>b</sup> epist. 2.

Hic in epistola, <sup>a</sup> quam Grato Episcopo consulenti eum misit, rationibus & auctoritate plurimorum irrefragabili asseruit & probauit, filium DEI non ex tempore, neque post tempora natum, sed ante omnia tempora de paterno vtero inenarrabiliter generatum. Hic in eadem epistola hoc, quod à multis suis antecessoribus constitutum erat ad omnium Episcoporum auxilium se roborasse ostendit. videlicet, vt omnes Episcopi, qui in quibusdam grauioribus pulsantur, aut eriminantur causis, quoties necesse fuerit, liberè Apostolicam sedem appellent, atque ad eam, quasi ad matrem, confugiant. & si quis Episcopus etiam iudicatus à comprouincialibus Episcopis venerit ad Romanæ sedis antistitem, in eius potestate sit, per se, aut per vicarios suos retractare negotium: & dum hoc actum & peractum apud ipsum Romanum Pontificem fuerit, nullus alius in eius loco ponatur, aut ordinetur Episcopus, quoniam perscrutari quidem accusati Episcopi causam comprouincialibus Episcopis licet, diffiniri autem inconsulto Romano Pontifice non est permissum.

Item in alia epistola <sup>b</sup>, quam misit Episcopis per Hispania pro-



prouincias constitutis, sicut & antecessores sui fecerant, constitutum fecit, vt nemo Episcopum, vel quemlibet Ecclesiæ prælatum prius accusare præsumat, quàm eum conueniat, & si aliter egerit, communionem priuetur. Similiter statuit, vt nemo Pontificum aliquem Episcopum suis rebus exspoliatum, aut à sede expulsum, excommunicare, aut iudicare præsumat, quia non est priuilegium, quo spoliari possit iam nudatus. Item decreuit, vt nullus Episcopus alterius parrochianum præsumat retinere, vel ordinare, vel iudicare: quia sicut irrita eius ordinatio erit, ita & diudicatio, quia nullus nisi sui iudicis sententia potest teneri, quoniam qui eum ordinare non potuit, nec iudicare vllatenus potest. Similiter constituit, ne illa quæ incerta sunt iudicentur, quia quamuis sint vera, non tamen sunt credenda, nisi quæ certis iudiciis comprobantur, nisi quæ manifesto iudicio conuincuntur, nisi quæ iudiciario ordine publicantur. ITEM auctoritate & verbis Apostoli confirmat, inscriptionem aduersus presbyterum non esse recipiendam absq; duobus vel tribus idoneis testibus. Item à prædecessoribus suis plerunque statutum commemorat, vt nemo anathema in Episcoporum suscipiatur accusatione. Item, nec illi, qui eos in sua nolunt recipere querela vel accusatione.

## XXVI.

A. CCLXI.

## S. DIONYSIVS.

**D**IONYSIVS ex monacho, cuius generationem non potuimus reperire, sedit annos 6. menses 2. dies 4. Fuit autem temporibus Gallieni ex die 11. Calend. August. Æmiliano & Bassa Consulibus vsque in 7. Kalend. Ianuar. à Consularu Claudii & Paterni. Hic presbyteris Romæ parrochias Ecclesias dedit, singulas singulis: & ipsas parrochias & cæmeteria eis \* dimisit, & vnicunque ius habere proprium constituit, ita videlicet, vt nullus alterius parrochiæ terminos, aut ius inuadat, sed vnusquisque suis sit contentus. Et in epistola, \* quam Seuero Episcopo Cordubensis prouinciæ destinauit, ipsi Seuero, cæterisque Episcopis, hoc quod ipse inde ipse statuerat seruare & sequi præcepit. Item in eadem constituit, sicut & sui prædecessores fecerant, ne crimina Episcopis per alios liceret impingi, nisi per ipsos, qui crimina intendunt, & ipsi tales sint, quales superius antecessores suos determinasse sæpe ostendimus. Hic ordinauit Episcopos 8. presbyteros 12. diaconos 6.

D 2

XXVII.